

## JOÃO TỸ CARTA Û HAN MÃN

<sup>1</sup> João tỹ rá vễ, Igreja to kófa ễn ti. Sỹ inh mré ke tỹ Gaiο mỹ rán hã vễ. <sup>2</sup> ã to sóg há tãvĩ nĩ. Hỹ, há tãvĩ sóg nĩ, ã to. ã to sóg Topễ mré vễmén tĩ, ti tỹ ã mỹ nén há kar nĩm jé, ã kaga tũ nĩ jé ke gé. Topễ to tar ã tóg jễ, tag ki kanhró sóg nĩ.

<sup>3</sup> ã mré ke ag tóg inh ki junjun, kỹ ag tóg inh mỹ tó, ã tỹ vễnh vĩ há nón tĩ mũ ti, ã tỹ to tar nĩ ti. Kỹ tóg inh mỹ sér pễ ti. <sup>4</sup> Inh krê tỹ vễnh vĩ há nón mũn kỹ tóg inh mỹ sér tãvĩ tĩ, nén ù tỹ inh mỹ sér nĩ kar kãfór. Hã kỹ tóg inh mỹ sér tĩ, ã tỹ vễnh vĩ há nón tĩg kỹ.

<sup>5</sup> ã to sóg há tãvĩ nĩ, Gaiο'. Ễg mré ke ag ki rĩr há han ã tóg nĩgtĩ, ù tỹ kór há tá kãmũ mũ ag mré hã. <sup>6</sup> Tag tó ag tóg, tag ki, igreja krêm, ã mré ke ag. Ag to há tãvĩ ã nễji nĩ. Ag ki rĩr mãn nĩ gé, ag tỹ ã ki junjun kỹ. Kỹ ag mỹ nĩm nĩ, nén ù tỹ ag mỹ tũ ễn ti. <sup>7</sup> Topễ rãnrãj han ag tóg tĩ. Jesus Cristo jiji tó kỹ ag tóg hễn ra mũ tĩ, kỹ ag tóg ù tỹ ti ki ge kỹ nỹtĩ tũ ag tũ mãn vãnh nỹtĩgtĩ. <sup>8</sup> Hã kỹ tóg há tĩ, ễg tỹ ù tỹ ge ki rĩr há han kỹ, ễg mré ke ag. Ễg tỹ ag ki rĩr há han kỹ tóg ễg tỹ ag mré Topễ vĩ há tó mũ ri ke nĩ sir.

<sup>9</sup> ã jamã tá igreja krêm vễnh mãn tĩ ag mỹ sóg vễnh rá jễnễ. Hã ra Diótrefes vỹ inh vĩ mẽ jãvãnh nĩ. Ag kri ti tỹ ùn mág jễ sór tĩ. <sup>10</sup> Isỹ tá jun kỹ sóg ti mỹ: “ã jykre vỹ pãno nĩ,” henh ke mũ, vễnh kar rĩnve. Ón kỹ tóg iso féfén tĩ. Hã ra tóg nén ù kórég ù han tĩ gé. Hã kỹ tóg ễg mré ke ag tỹ ãjag tá junjun kỹ

ag mÿ: “inh mré nÿtĩnh kãmũ jęg,” he tũ nĩgtĩ. Kÿ tóg ã ag tÿ ag mÿ vĩ há han kamęg tĩ gé. Ag mÿ tóg: “*igreja* krēm ãjag tóg rã mãn ke tũ nĩ ha,” he tĩ, ag tÿ ěg mré ke ag mÿ vĩ há han sór kÿ. Jykre kórég tãvĩ ti nĩ, *Diótfes* ti. Hã kÿ sóg ti kato tẽnh ke mũ, ha vem nĩ.

<sup>11</sup> Ti jãvo sóg ã to há tãvĩ nĩ, *Gaio*'. Û tÿ nén ã kórég han mũ ra ti kóm han sór tũg nĩ. Nén ã há hã han sórm nĩ. Ěg tÿ nén ã há kar han kÿ ěg tóg tÿ Topẽ krẽ nÿtĩ gé. Û tÿ ti kórég han mũ vÿ Topẽ ki kagtĩg nĩ.

<sup>12</sup> *Demétrio* vÿ tÿ ãn jykre há nĩ, hã ra. Vẽnh kar vÿ ti to vĩ há han tĩ. Kĩ hã ag tóg tó tĩ, ag tÿ ti to vĩ há han kÿ. Hã kÿ sóg ag mré tó mũ gé. Isÿ vẽnh vĩ há hã tó mũ ki kanhró ã tóg nĩ.

<sup>13</sup> Sÿ ã mÿ nén rán sór mũ vÿ ver e nĩ, hã ra sóg rán kÿ jẽnẽ sór tũ nĩ. <sup>14</sup> Kãnhmar sóg ã venh tĩg mũ. Kÿ ěg tóg jagnẽ mré vēmén ke mũ.

<sup>15</sup> Æ jé jatun mÿ nĩ nĩ. Tag ki inh mré ã to há nÿtĩ ag vÿ ã mĩ ěkrég tĩ. Kÿ ã jamã tá inh mré ke kar mÿ: “ãjag mĩ tóg ěkrég tĩ,” hem nĩ, iso. Vÿrmÿ ag mÿ tóm nĩ, sÿ ag mĩ ěkrég mũ ti.

Hã vẽ, sÿ ã mÿ nén rán sór mũ ti.

## **Topẽ vĩ rá** **New Testament in Kaingang (BR:kgp:Kaingang)**

copyright © 2011 Wycliffe Bible Translators, Inc.

Language: Kaingang

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kaingang

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files  
dated 26 Mar 2022  
16af52c8-0e45-5e91-b36c-cd314d36d7fc